

05

A

213



J
R
P
D
J



N. 30

IN NOMINE JEHOVÆ ELOHIM!

DEI PATRIS IN PARADISO DEAMBULANTIS,
RECTORIS UNIVERSITATIS,

DEI VERBI, VOCIS IN PARADISO SONAN-
TIS, ET PRÆDICANTIS,

PROCANCELLARII CUNCTOS HONORES
IMPETRANTIS, ET DISPENSANTIS,

DEI SPIRITUS DIEI, LUCENTIS, SPIRANTIS,
ET MOVENTIS,

PROMOTORIS, HONORES APPLICANTIS,
TOTIUS SACROSANCTÆ TRINITATIS,

DECANUS,

THEOLOGICÆ FACULTATIS,

IN ACADEMIA WITTEBERGENSI,

JOHANNES Deutschmann/

SS. THEOL. D. P. P. & SENIOR,

AD

DOCTORALEM AULAM,

DIE XXVI. FEBRUAR. HOR. IX.

IN LOCO BRABEVTERII PUBLICI,

TEMPLO ARCIS,

SOLEMNIBUS RITIBUS CELEBRANDAM,

MAGNIFICUM DN. RECTOREM,

PERILLUSTREM DN. BARONEM,

UNIVERSOS ACADEMIÆ PROCERES,

PATRES, ET CIVES, & alios

HOSPITES,

Observanter, Officiose, & Humaniter

invitat.

1691



IN NOMINE JEHOVÆ ELOHIM!
 PRIMI RECTORIS, DECANI, ET PROMOTORIS,
 PATRIS, FILII, ET SPIRITUS SANCTI,
 IN ACADEMIA PARADISIACA!



*Paradisus totius Mundi Symbolum, Universitatis
 Omnis Summarium, Generis Humani Compen-
 dium, Omnium Statuum Ejus Principium, O-
 mnium Personarum Seminarium, Omnium
 Rerum Promptuarium, Omnium Actionum Flo-
 rilegium est. Uno verbo, τὸ πᾶν est. Nec
 Programmata, neque brevis Scriptura, vel etiam
 integrum Volumen sufficeret, si quis hæc singula pro copiosis-
 simis Historia Paradisiacæ mysterijs exponere, vel diducere vel-
 let. Est enim Paradisus Hortus primus, Hortus, non à Botanico
 quodam perito, sed ab ipso Deo, Botanico Botanicorum, artificio-
 se plantatus, omnibus numeris perfectus, & absolutus. Hortus
 erat necessitatis, qui cuncta Vite necessaria, non hominibus modo,
 sed & animalibus offerebat. Hortus erat commoditatis, qui com-
 modam Hominibus, & Brutis, commorationem, & habitationem,
 concedebat; Aulam Regis Mundi, videl. Hominis, tanquam terre-
 stris Imperatoris, mira commoditate præ se ferebat. Erat Hortus
 Voluptatis, quod proprium ipsi nomen fuit, dum pulchritudine
 rerum, & ordinis elegantia, multisque modis aliis pascebat ocu-
 los, jucunditate cantuum, & varietate vocum, & consensione sym-
 phoniarum volatilium recreabat aures, dulcedine fructuum abun-
 dantissimorum delectabat gustum, &, ut alia taceamus, per
 Jehovah Elohim perpetuam presentiam, colloquiorum divinorum fre-
 quentiam, & cultuum sacrorum ordinatissimam condecantiam, sum-
 mas, maximas, & optimas delicias Homo percipiebat. Sed
 hæc, & alia, modo persequi non licet, dum scriptum præsens ad
 Programmatis angustos cancellos contrahitur. Unum tamen,
 ex illustri quadam occasione data, silentio præterire neque pos-
 sumus, neque debemus, neque volumus. Per Divinam Gra-
 tiam, & Gratosam Dei Providentiam, Collegio Nostro Doctoratus
 Theologicus cœlesti munere clementer offertur, quod ingens
 Dei donum grata mente considerare, grataque lingua celebra-
 re, veræ pietatis est, debitæ gratitudinis est. Vix autem Huic institu-
 to me-*



05. A 273

to melius consulere poterimus, quam ut ad *primos Doctoralis Promotionis Natales*, vere *Paradisiacos*, nostras *Doctores meditationes* referamus, & ex *Paradiso*, tanquam *Actionum omnium perfecto Florilegio*, *Doctorem etiam Actum*, secundum *Authenticam Historiam Paradisiacam*, ordine convenienti deducamus. *Dulcius ex ipso fonte bibuntur aqua*, non modo *physica*, sed etiam *mystica*, non tantam *refocillationis naturalis*, sed etiam *informationis mentalis*: imò *purius*, & *gratius*, *planius*, & *plenius*, ex *primo fonte* bibuntur *Aquæ veræ sapientie*. Dicitur alias, quod *Ecclesia* sit *Paradisus*, sic & in *Ecclesia Florens Academia* verus *Paradisus*, imò *Collegium* unumquodlibet etiam in *Hac* *Divinus* quidam est *Paradisus*, & *Solenniores* denique *Collegiorum Actus* *Paradisi Naturam* æmulantur; ex quibus certe *Doctoralis Actus* neutiquam inter *postremos* numerandus. Jam igitur nobis *Paradisus Primam Aulam Doctorem* accurate demonstrabit, omnia *necessaria*, secundum convenientem ordinem, explicabit. *Utilitates* etiam *omnis generis Doctoralis Promotionis* prolixa serie notaret, nisi *concisus Programmatis* ambitus *calamum modo* coereret. *Textus* vere *Paradisiacus*, hoc est *abundantissimus*, tantarum est *divitiarum*, ad *exhibendam*, & *exponendam Primam Doctorem Aulam*, ut citius *vita Scribentis*, quam *Materia* *scriptionis*, & *tractationis*, deficeret. Tot etiam *tractandi*, vel *commentandi formas*, & *vias*, ostendit, quarum *singula*, tam *ordinis pulchritudine*, quam *rerum proponendarum plenitudine*, tantopere *mirifice* se commendant, ut *difficilior* videatur esse *delectus*, quam ipse *commentationis tractatus*. Nos hac vice *tritissimam viam* observabimus, & prout in *Objectis Practicis* enodandis fieri *convenit*, *Aulae Primæ Doctoralis Personas*, *Res*, & *Actiones*, breviter attingemus, cum easdem *justa declaratione* contingere, multo minus *intimius*, *juxta nervosissima Doctoris Doctorum verba*, *pertingere* liceat. Conspicimus igitur in *Aula Doctore* *li Paradisiaca Personas*, *Alias ante Doctorem Aulam*, *Alias circa Doctorem Aulam*, *Alias post Doctorem Aulam*. O quam *jucundum*, *omniqve delectatione plenum*, foret, si *Personas* illas *ordine* *contemplari*, *dignisque modis*, si non *ex debito*, vel *merito*, tamen *ex gratiæ*, *divinitus concessæ*, *modulo*, nunc *meditari* possemus. *Ante Doctorem Aulam duplicis generis Persona* maxime *necessariæ* *producuntur*, *Docentes*, & *Discentes*. Nam,

) (2

ubi

ubi nulla præcedit *Docentium cura, doctrina, disciplina*, nec ulla *Discentium intentio, promptitudo, diligentia*, nulla discipulorum vel auscultatio, vel *exercitatio*, nulla pariter ibi succedit *Discentium exaltatio*, nulla *Doctoralis promotio*, nulla *Gloria Doctoralis dispensatio*. *Diligentia*, non *negligentia*, *Sapientia*, non *insipientia*, *Virtus*, non *vitium*, in *Discentibus*, atque per varia *Doctrinae Gymnasmata* satis *elaboratis, & exercitatis*, vel in *Doctorandis* coronatur. *Paradisiaci Doctores*, non fuerunt ἀληθῆς, vel αὐτόκλητοι *Cacodæmones*, qui per suum Principalem, *Serpentem antiquum, Draconem Magnum*, pessime genus omne *Doctrinae Paradisiacæ*, *Genes. II. 17.* corruerunt, *Discipulos Paradisiacos à via veritatis* abduxerunt, & in varios *errores* eos pertraxerunt, totamque *Scholam Creatoris Paradisiacam* dissolverunt: sed *Paradisiaci Doctores* potius extiterunt *Tres Elohim*, ex divina, vereque publica, tum *Autoritate*, tum *Potestate*, *Docentes*, novas *Regni Gratiæ Scholas* aperiens, *Discipulos rebelles, & immorigeros, amentes, & stupidos, tardos, & bardos, apostatas, & profugos*, ad has *Scholas* invitantes, & vocantes, imo trahentes, *medijs evidentibus, & convenientibus, efficientibus, & sufficientibus, doctrinam salutis* proponentes, & exponentes, *methodo facili, mereque didactica, felici, vereque fructuosa*, quoad informationem, utentes, *diligentiam, & vigilantiam, curam, & sollicitudinem, prudentiam, & constantiam*, omnem adhibentes, ad *doctrinæ salutaris* speratos successus, *veræ perfectionis* exoptatos profectus, & *Doctoralis Promotionis* expectatos eventus, cuncta dirigentes. O *Felices Auditores*, qui tales consequuntur *Informatores*, qui docent, ὡς ἐξ ἰσθίου non tantum, sed ἐνεργεῖαν etiam habentes! *Matth. VII. 29.* Hic *Dictum Factum!* Hic *Doctrina Docentis* statim sit *sapientia Discentis!* *Discipuli* fuerunt nostri *Protoplasti, doctrina vacui, disciplina destituti, notitia nulli: tenebris obscuratâ mentē, concupiscentiis malis depravatam voluntatē, omni tū aptitudine, tum habitudine discendi spiritualia carentes, omni stupiditate, mentisq; pravitate* pollentes. *Breviter, omne bonū aberat, omne malum aderat!* Hic dicendum erat illud *vetus: Non ex quolibet ligno fit Mercurius, nec ex quovis stolido Theologus!* Sit *pessimæ Natura, modo proba fiat cultura.* *Cultura* certe tunc *optima Protoplastis* contigit. *Jehova Elohim* ipse factus illorum *Doctor, & Informator.* Hic *amentes in Schola sua* mox convertit in
mente

mente valentes, *stupidos in discendi cupidos, stultos in sapientes, tardos, & tardos in veloces, & pracoces, Discentes in Docentes, & ad Aulam Doctorem satis pronos, & promptos, aptos, & expeditos. Informationis plenitudo, quoad legem, & Evangelium, facta Doctrinalis Promotionis certitudo.* Introducuntur igitur *Personæ Doctorem Aulæ, quæ sunt, ex consuetâ praxi, Promoventes, & Promotionem obtinentes. Promoventes sunt personæ SS. Trinitatis, Deo Trinitus, Pater, Filius, & Spir. S. In Academicis Doctorem Promotionibus præsto sunt potissimum, Rector Universitatis, Decanus, & Procancellarius, Autor potestatis, Promotor, & Collator Doctorem Dignitatis. Nullus harum personarum in Paradisiaca Promotione defectus. Jehova Elohim Pater, totius Universitatis Rector, Supremus omnium in Paradiso creaturarum Inspector, Maximus Universorum Director, & Optimus singulorum Provisor, qui, ceu Præses Universitatis, in Paradiso semper obambulat, cuncta prudens observat, & tam mala, quam bona, paterna sua providentia sapienter ordinat, potenter ad suos fines destinat, & ad suam Gloriam universa gubernat. Hic Rector, & Pater Universitatis, Adamum in scholis variis formatum, & informatum, elaboratum, & exercitatum, confirmatum, & consummatum, voluntate paterna, Doctorem dignitati destinat, autoritate sua magnifice Doctorem Aulam adornat, & potestate sua valida cuncta Doctorem Acta confortat, & confirmat. Hoc Rectore præsentem, volente, promovente, Promotio firma dicitur, & stabilis. Sub hujus auspiciis mox surgit Logos, Patris, & Consiliarius, & Cancellarius, & Referendarius, qui, tanquam Consiliarius, Promotionis Doctorem consilium suggerit, tanquam Cancellarius in sinu Patris consilium in Decretum Promotionis convertit, & tanquam Referendarius consilium Promotionis, ad intra Decretum, vel Doctorem Decretum, æterno Dei consilio munitum, è sinu Patris publicat, & ut Procancellarius Patris voluntatem, instar Vocis sonantis, & ex corde Patris in aëre resonantis, de Adamo, plenissime jam informato, nunc in Doctorem creando, per autoritatem, & potestatem, ad homines, à Patre sibi concessam, publico præconio promulgat. Mox ad publicatam Patris, ceu Rectoris, voluntatem, & Procancellarij, vel Decani, concessam Potestatem, in Cathedra Paradisi, suum opus facit Spiritus Sanctus, ceu Spiritus Dei, Summus Promotor, & dignitatis Doctorem Supremus Collator. Hic Adamum non modo divino-*

rum *Mysteriorum* notitia, *donorū gratia* scientia, sed & *Ministeriali-*
um laborū peritia, per *charismata* sufficientia replevit, ut idoneus
ad *Promotionem Doctorem Candidatus* esset. Omnia *Spiritus* Ipse
fuit in Eodem operatus. *Promovit*, ut *Promotor*, ejus mentem,
ut loco tenebrarum lucem claram doctrinæ conciperet; *Pro-*
movit ejus *cogitationes*, ut à vanitatibus serpentis ad veritates
Dei rediret; *Promovit* ejus *meditationes*, ut mysticas de *Vera Vi-*
ta considerationes institueret; *Promovit* ejus *voluntatem*, ut gra-
tiosam Dei gubernationem admitteret; *Promovit* ejus *cor*, ut
serpentem cum mendaciis, & incredulitate, dimitteret, & ver-
bo gratiæ, fideique, locum omnem concederet; *Promovit* ejus
aves, ut Vocem *Jehova Elohim* solum audiret, & per assistentiam
Spiritus in succum & sanguinē converteret; *Promovit* ejus *ocu-*
los, ut intuitu fixo, juxta divinam ordinationem, *sacrificiorum*
ritus adspiceret; *Promovit* *linguam*, ut ex abundantia cordis os
de *Vita* mystica tantummodo loqueretur; *Promovit* *manus*, ut
justitiæ vestes sacrificiales, divinitus applicatas corpori, vel mem-
bris, induerent. Talis est *Adamus* in *Doctorem Paradisiacum*
Promotus. Post *Actum Doctorem* *Jehova Elohim* in omnibus
expediendis est omnia, quod prolixè deduci posset: & *Novellus*
hic *Doctor* ad omnia fidelium exercitia paratissim⁹, & expeditissi-
mus est. Nam per *labores* itur ad *Honores*, & *Honores* conferun-
tur propter *labores*. Ut autem in *Paradisiaca Doctorem Aula*
comparet *Personarum plenitudo*, sic etiam *plenitudo rerum Do-*
ctoralium minime deficit. Quoad *Doctorem Apparatum*, nihil
magis exigitur, quam *vera, plana, plena*, seu vere *sufficiens Do-*
ctrina, quæ *generali* quidem, sed *totali*, divinæ legis repetitione, vel
restauracione, seu *confirmatione*, simulq; *gratiosa* totius *Evangelij*
nova manifestatione continetur. Si quis *Doctrinā specialem* simul
observare vellet, omnes *Theologiæ Partes*, omnes *Articulos fidei*,
juxta divinam voluntatem, ad *salutem* necessarios, hic offende-
ret; dum, quoad *finem*, *Adam⁹* ex regno tenebrarum revocatur ad
regnum lucis, per *Diei Spiritum*, ad *Bonum Summum*, *Maximum* &
Optimum, *Deum Trinum*, *Jehovam Elohim*, *Unum in Essentia*, *Tri-*
num in personis, *P. a. rem*, *Filium*, & *Spir. S.* ejusque *communionem*,
& *fruitionem*. *Subiectum* etiam *Homo peccator*, quoad *doctrinam*
sufficientem, juxta *Status omnes* introducitur. *Salutis Oeconomia*,
quoad *principium*, & *fundamentum*, *Semen Mulieris*, h. e. *Messiam*,
& quo

& quoad omnia *media salutis*, ad debitam sufficientiam, revelatur. *Perfecta Theologia Doctrina perfectum peperit Doctorem Theologum Adamum.* Quoad *Doctorem Actum Res*, ad *Aulam Doctorem* consuetæ, præsto sunt. Instituitur hic *Primus Doctores* in *Paradiso*, *Dei Templo*, super *Cathedram Summi Promotoris*, in *Statione*, vid. *Dei*, dum *Adam coram Deo*, tanquam in *Dei Cathedra*, collocatur: Adest *Liber Legis*, & *Evangelij*, qui *Novello Doctore* commendatur, & demandatur: adest *Pileus Doctoralis* gratiosæ *Dei Providentiæ*, & *Tutela*: adest *Annulus Vitæ*, non *naturalis*, sed *spiritualis*, qui totum cingit *Veterem hominem*, & *Novum hominem*, instar *Auri fulgentem*, & in primis optimam *Gemmam*, *Christum Jesum*, continentem, sistit: adest *Doctoralis justitiæ complexus*, in *vestibus sacerdotalibus*, & *pellibus sacrificialibus*, v. 21. adest per veram *pœnitentiã Pilei*, vel *Adami veteris*, *abjectio*, *novi Birethi*, vel *Status*, per *fidem possessio*. Post *Doctorem Promotionem* fulget *Novus Doctor Adamus* in *Privilegijs* suis. Conspicitur hic *Privilegium spiritualis vitæ*, v. 20. *Privilegium justitiæ*, v. 21. *Privilegium continuæ Pœnitentiæ*, vel *reconciliationis Peccatoris cum Deo perpetuæ*, v. 22. *Privilegium constantis cum Serpente inimicitia*, vel *militia*, v. 15. *Privilegium Unionis cum Semine mulieris*, v. 15. seu *Viro Jehova*, c. IV. 1. *mysticæ*. *Privilegium continuæ sub Crucis Vexillo pugna*, v. 16. seqq. *consequentis etiã*, nõ in *cruce modo*, sed in *ipsa morte*, certissimæ *Victoriæ*, v. 19. *Privilegium benedictionis*, & *protectionis in laboribus vocationis divinæ*, v. 23. *Privilegium conversationis*, & *conservationis Angelicæ*, v. 24. *Actiones quoque Doctores* planissimam, & plenissimam exigent *deductionem*, nisi *chartarum angustia* *scriptionem* contraheret. Et *numero*, & *pondere*, & *ipsomet opere*, *perfectæ sunt Actiones Paradisi Doctores*, quia vere *Jehova Elohim* sunt *Actiones*: libet aliquas enarrare, cum *singulas enumerare*, vel *explicare* non liceat. Sufficiens hic apparet ad *Doctorem Informatio*, *Legitima Candidati ad Doctorem Sacerdotalem*, vereque *Propheticum*, *vocatio*, *ejus in Templum introductio*, in *Cathedram Promotionis collocatio*, *Doctoralium Orationum recitatio*, *Solemnis Renunciatio*, *Privilegiorum Collatio*, &c. Ex parte *Candidati Doctores Specimen in magisteriali Vitæ Confessione*, totiusq; *Theologiæ compendiosa professione prima*, nobis exhibetur, sicut in *Adamo Theologo* luculenter id demonstratum est. Non igitur *Nova Doctoralis Aula*, sed ad *prima* vereq;
Para-

Paradisiaca tempora suos *Natales* reducit. Hoc breviter, sed
evidenter, ex *Historia Paradisiaca* describere volumus, dum per
DEI GRATIAM, sub Clementissimis auspiciis SERENISSIMI,
ac POTENTISSIMI ELECTORIS, & DOMINI, DN. JOHAN-
NIS GEORGII III. *Saxonie, Julie, Clivie, Montium, Angariae, &*
Westphaliae Ducis, S.R.I. Prætorij Præfetti, Landgravij Thuringie,
Marchionis Misnie, & utriusq; Lusatia, Burggravio Magdeb. &c. &c.
Domini Nostri Gratosissimi, Rectore Magnifico, Viro, Summè Reve-
rendo, Magnifico, Amplissimo, Excellentissimo, DN. MICHAELE
WALTHERO, SS. Th. D. & P. P. Celebratissimo, Alumn. Elect. Ephoro
Spectatissimo, Promotor, Vir itidem Summè Reverendus, Magnificus,
Amplissimus, Excellentissimus DN. CASPARUS LOESCHERUS, SS.
Theol. D. & P. P. Celeberrimus, Eccles. Witteb. Pastor, Electoralis Cir-
culi Superintendens Generalis, Consist. Ecclesiastici Assessor, Viris Lau-
datisimis, & Maximè Reverendis, bene jam de Ecclesia meritis, &
per Dei Gratiã posthæc adhuc optime meritis, eo, quo Licentiã
à Collegio Nostro consecuti sunt, Ordine nunc adducendis,
DN. LIC. JOHANNI GEORGIO MEISNERO, *Eccles. Schmiede-*
bergensis in Vicinia Pastori, & Ephoria Kembergensis Adjuncto,
DN. LIC. JOHANNI CONRADO SITTIG, *Ecclesie Pegaviensis*
Pastori, & Vicinarum Superintendenti,
DN. LIC. CASPARO GRAUN, SERENISSIMI PRINCIPIS ANHALTINO-
SERVESTANO DORNBURGENS. *Concionatori Aulico, & Confessionario,*
DN. LIC. FRIDERICO FABRICIO, *Stetinensis Ecclesie ad D. Ni-*
colai Pastori, & Venerandi Ministerii Conseniori,
Summos in *Theologia Doctorales Honores, ad futurum Jovis diem,*
qui Februarij XXVI. erit, in conspectu SS. Trinitatis, Ecclesie, & Aca-
demie, solennibus ritibus in Domino conferet. Ad hanc Do-
ctoralem Panegyrim Magnificum DN. RECTOREM, Per-Illustrem
DN. BARONEM, *Academie PATRES, & CIVES, ut & HOSPITES,*
omnium *Ordinum, ea, quã decet, modestia præsentibus invita-*
mus, & invitando rogamus, ut suas *Nostris preces devote*
conjungere, *Deoq; Summo, Totius Universitatis RECTORI, pro hac*
Nobis concessa Clementia, devotas gratias agere, simulque pro
SERENISSIMO *PATRIÆ PATRE, & AUGUSTA DOMO, pro*
Ecclesie, & Academia Salute, pro Collegij nostri felicitate, Novorum
Doctorum cælesti Benedictione, vota facere velint! Sit Deus in his,
& alijs omnibus, Benedictus! Witteb. P. P. Dom. Esto Mihi
Die XXII, Febr. Anno M DC XCI.

H
r
,
-
y
,
:
-
E
o
,
:
-
x
ä
.
s
-
2,
-
2,
-
n
s,
-
e
c
o
m
s,

05 A 213


ULB Halle 3
004 207 408


VD17

04







N. 30

IN NOMINE JEHOVÆ ELOHIM!

PATRIS IN PARADISO DEAMBULANTIS,
CTORIS UNIVERSITATIS,
VERBI, VOCIS IN PARADISO SONAN-
TIS, ET PRÆDICANTIS,
CANCELLARII CUNCTOS HONORES
IMPETRANTIS, ET DISPENSANTIS,
PIRITUS DIEI, LUCENTIS, SPIRANTIS,
ET MOVENTIS,
ROMOTORIS, HONORES APPLICANTIS,
IUS SACROSANCTÆ TRINITATIS,
DECANUS,
HEOLOGICÆ FACULTATIS,
IN ACADEMIA WITTEBERGENSI,
HANNES *Deutschmann*/
S. THEOL. D. P. P. & SENIOR,
AD
DOCTORALEM AULAM,
DIE XXVI. FEBRUAR. HOR. IX.
LOCO BRABEVTERII PUBLICI,
TEMPLO ARCIS,
SOLEMNIBUS RITIBUS CELEBRANDAM,
MAGNIFICUM DN. RECTOREM,
PERILLUSTREM DN. BARONEM,
UNIVERSOS ACADEMIÆ PROCERES,
PATRES, ET CIVES, & alios
HOSPITES,
Observanter, Officiosè, & Humaniter
invitat.

(1691)